

歷世真僊體道通鑑卷之二十一 漢一

許雲山聖壽萬年宮道士趙道一編修

封術

封術字君達隴西人也幼學道通老莊學動訪真訣初服黃連五十年後入鳥獸山採藥又服木百餘年還鄉里如二十許人聞有病死者識與不識便以腰間竹管藥與之或下針應手立愈愛術精氣不極視大言凡圖籍傳記无不習誦復遇魯女生授還丹訣及五嶽真形圖遂周遊天下故山官水神潛相迎伺而凶鬼怪物无不竄避人或疑之以矢刃刺禦皆不能害常駕一青牛人莫知其名因號青牛道士魏武帝問養生大略師曰體欲常勞食欲常少勞勿過極少勿過虛去肥濃節酸鹹減思慮損喜怒除馳逐慎房室則幾於道矣故聖人春夏養陽秋冬養陰以順其根以契造化之妙有二侍者一負書笈一攜藥笥有客成養氣術十二卷墨子隱形法一篇靈寶衛生經一卷笥有煉成水銀霜黃連屑等在人間僅二百餘年後入元丘山不見

王老

王老不知其名與魯女生封君達為友訪道遊名山於東嶽之陽遇神仙乘白鹿與侍女十許人自山中而下知是神人再拜以求長生之道神仙曰子知有安期君子即我是也子精誠動天太上使我授汝度世之訣經云綿綿若存用之不動是真道矣言訖昇天而去王老行之愈力三年行及奔馬肌膚充澤狀若處子能分形變化坐在立亡周遊人間四海之內時有見之者

張皓

張皓字文明汝南人東漢安帝永初中嘗詔逸人為道士皓年二十歲與選一日封術召至皓望風服膺求啓未悟術因觀其心遣涉于深淵則遇鮫鯨迫之而貌不變誘之以色試之以財而心不動術曰可教也於是付以青囊書金根上經及神丹半兩從而戒之曰勤則得之者則失之皓俯伏受命遂入赤城山服丹行道久之耳能洞聽目能徹視常有學道者來訪則或為白鶴或為飛雲搏空

遊虛隱沒而莫之見至魏明帝太和初登真

王少道

王少道與同志李伯山常以陰德惠救於人皆積世有通至行所鍾累功積德以至成仙少道常謂人曰功滿三千白日沖天修善有餘坐降雲車弘道不已自致不死斯言信哉昔太極真人一日八身展轉得道葛玄七世方證仙公之任然積善之功上濟玄祖下流後世豈止一身長生而已勉哉勸哉吾匪虛言也俱得神仙矣真仙云其重初府有山皆重府之標者少道漢時人王遊兒也漢時山陽太守范叔勝北地人也魏文帝黃門郎李伯山李仲父也仲父漢時為白馬令行陰德或積世有道中行於世此二府仙人皆一遊再遊得入此府耳

路大安

真人姓路名光又名大安西蜀大寧軍內黃縣人也後徙居姜州乃漢路溫舒九世孫於順帝漢安元年九月十五日子時誕生神清骨秀髮疎疎青髮世業博通經史歷三國鼎分晉室肇造科自不公仕途舉進乃自歎曰僕幼寒薄時運與廢雖有濟世之才奈何

時與命違所謀弗就功名之念頓息遂合家修道遊至河陽假舍驛亭吏曰不可宿驛中有妖僮或不信必有禍害真人曰吾有神劍能斬邪怪不必多言遂投宿夜半風寒凜凜瞑目視之庭隅炊氣中有婦人悲告曰真官乞賜救拔此乃張氏古宅向為寇劫掠殺妻張氏而埋此也若得收葬方遂往生翌日掘之果得遺環白骨遂葬之於高陵真人因此堅心慕道廣求濟生度死之術尋訪名山於晉武帝太康五年甲辰歲五月五日縱步姑射忽於古楡下見一老叟衣黃裘踞石而坐進揖之曰先生何獨在此仰而長吁又而不答真人禮貌尤至久之老叟謂真人曰久之我傍果何求哉觀子稜氣薄道氣重異日名與年同事俱終矣真人聞此語如夢得覺乃再拜告之弟子所求者道也叟曰道者杳杳冥冥无形无像何以求之再拜告曰道固難言願得濟生度死之術以救世可乎叟曰道者妙萬物而為言常應常靜不可磨求亦不容索惟在留神恬淡集性希夷无氣長存外

物不擾然後行功布氣激液煉神可以超凡入聖真人曰今日得聞誨語心如死灰乞望先生明教一術度人修己叟曰子可教矣遂以六天如意大法經籙謂之曰依此行持濟生度死妙用難思子宜秘之叟就拂袖而去追之莫及復反顧謂真人曰修半紀相會真人自是往華山仙掌峰修煉至惠帝永熙二年十月十五日夜半夢太上老君命右侍五童賜玉鑰匙十事而參合前老叟法書夢覺神開意解自此書符行功布氣治病驅邪元不應驗至永康元年三月春地血雨降妖星晝見疫毒流行民遭橫夭真人敬施符水點混元燈越三旬間方息至永康二年正月虎兇入城民心搖動莫能禁止時王戎知相位惠帝責之曰卿任輔弼之重何致此物接我生靈今降勅召人勦治真人於戎甥舅也真人遂往揭榜謂戎曰某有術可禁此戎見其甥言遂奏帝召入內奏對乞與民除害奉勅命任便行持依混元法攝召虎兇自空飛至帝愕然真人呪水喫之化為蝴蝶布氣吞之

一城安靜帝喜褒詢之曰子乃吾朝真天師也與漢天師殊時同號異世同功賜以綠統朱服青絲縵碧玉環及以金帛贈之真人笑而不受奏曰助國救民忍以財賄汗身遂居華山以混元籙傳之丁義以混元經傳之郭璞以混元法傳之許旌陽以混元針灸傳之妙通朱仙大安元年八月十二日夜夢太上老君謂曰年與名同可以沖天佐紫微北極大帝職充司命真君更軍每月三九日下降人間察其功過應有災患急難應聲度之夢覺身輕倏忽飛昇昇天而去其混元之法今行於世焉

王真
王真者上黨人也年七十九乃學道行胎息之術斷穀三十餘年容少而色美行及走馬力兼數人魏武帝聞之召相見似三十許人意疑其詐遂驗問其鄉里皆異口同辭多自兒童時見之者真年已四百歲矣武帝乃信其道甚加欽禮焉

陳長

陳長在紆嶼山上已六百餘歲紆嶼山中人為架屋每四時烹殺以祭之長亦不飲食顏色如六十歲人諸奉事者每有疾病即以器詣長乞祭水飲之皆愈紆嶼山上累世相承事之莫知其所來及服食本末紆嶼在東海中吳中周詳者誤到其上留三年乃得還具說之如此紆嶼其山地方圓千里上有千餘家有五穀成熟莫知其年紀風俗與吳同

王暉

道士王暉者魏時人白羊公子之弟子也居華嶽熊掌嶺洞真觀常種黃精於溪側則虎為之耕豹為之耘出入亦乘虎豹具鸛鶴行鞭策如人乘馬无異餌黃精蒼朮積有歲時其後以道術傳王法冲乃尸解而去門人葬冠履於巖左有黃雲覆其上嘗著秘訣百餘言以教人而人莫能曉其辭曰黃帝昇鼎湖乘素入紫煙明精陰不久運往馳龍旋枯悴林將凋鮮鮮沉深淵遊仙騰霞觀喜作歲月綿晝占勿龜兆夕唱良有綠中嶽鎮和氣版輪共成篇若能思得之賜與金一餅附

昌季

昌季不知何許人也入山携柴崖崩墮山下尚有微氣其婦來見之涕泣哀恸仙人尹伊聞之愴然謂婦曰吾是仙人能治汝天即以藥賜之并付其方藥盡未差可隨合作也能長服之令人成仙婦以藥治季即愈季食藥服之十日忽然飛昇婦流涕追之顧謂婦曰道與世殊知善自愛敬婦慨然復合藥服之三年便復飛去至蓬萊山見季季曰知卿當來爾

張玄賓

張玄賓者定襄人也魏武帝時曾舉茂才歸鄉里師事西河劉公受服術行洞房白元之事後遇樊子明於少室山授以遁變隱景之道昔在天柱山中今在華陽為理禁伯理禁伯者主諸水兩官也具錄云理禁伯官玄賓亦得今之監國也善談空云元者大有之宅小有所以生焉積小有以養小元見大有以本大元有有亦元元馬元元亦有有焉所以我目都不見物物亦不見无寄有以成无寄无以得无於是元

則无宅也太空亦宅无矣我未生時天下皆无元也其所論端捷如此柶栢諸仙亦不能折也自云昔曾詣蓬萊宋晨生宋晨生者蓬萊左仙翁也與其論无粗得大意

且道一曰夫以无之一字論道是誠得道

之妙矣道德經曰无名天地之始有名萬物之母故常无欲以觀其妙常有欲以觀其微此兩者同出而異名同謂之玄又曰天下萬物生於有有生於无張玄賓必深得其旨而略寓於言也

王中倫

高唐縣鳴石山高百餘仞人以物扣巖石聲甚清越晉武帝太康中逸士田宣隱於巖下葉風霜月常拊石自娛每見一人著白單衣徘徊巖上及曉方去宣後令人擊石乃於巖中潛伺果來因遽執袂詰之自言姓王字中倫術人周宣王時入少室山學道此來頻適方山去來經此愛此石響故輒留聽宣乃懇乞長生訣遂留一石如雀卵遺之云可辟殺初別凌空百餘步猶見漸漸煙霧障之宣得

石舍輒百日不飢

蓬球

蓬球字伯堅北海人也晉武帝大始中入具丘西玉女山中伐木忽覺異香球迎風爭之此山廓然自開宮殿盤鬱樓臺博敞球入門

窺之見五株玉樹復稍前有四仙女彈棋堂上見球俱驚走謂曰蓬君何故得來球曰尋香而至焉言訖復彈棋如初有一小者登樓彈琴戲曰元暉何為獨升樓球於樹下立飢以舌舐葉上垂露俄有一女乘鶴而至曰玉華云汝等何故有此俗人王母即令王方平按行諸仙室可令速去球懼出門迴頭忽然不見及還家已是蓬中矣舊居廬舍皆為墟墓因復周遊名山訪道不返

鮑靚

鮑靚字太玄陳留人也少有密鑿洞於幽玄深心冥辟人莫之知一云為南海太守得秘法悟真理受真仙要訣於誥姆按洞天記云靚及妹並是先身七世祖李湛張慮者俱杜陵北鄉人同在渭橋為客舍居積行陰德好

道希生故攝運於靚等使易世變族改氏更生合為天倫報曾雖異德蔭並同靚學明經術緯侯師左元放受中部法及三皇五嶽劫召之要行之神驗能使鬼神封山制魔晉元帝大興元年靚曾往江東於蔣山北道見一人年可十六七許好顏色俱行數里其人徐徐動足靚奔馬不及以漸而遠因問曰相觀行步必有道者其人曰吾仙人陰長生也太上使赤城君有心於道故得見我爾靚即下馬拜問寒溫未及有所陳陰君曰此地復十年當交兵流血後蘇峻之亂果足十年又云君慕道又與吾當度爾仙法考得仙者尸解為妙上尸解用刀下尸解用竹木皆以神丹染筆書太上太玄陰生符於刀乃左右須臾便滅所書者面目死於牀上矣其真身遁去勿復還家家人謂刀是其人也用竹木如刀之法陰君乃傳靚此道又與靚論晉室脩短之期皆演一為十為百以表元帝託云推步所知不言見陰君所說是陰君戒其然矣羅浮圖志云稚川居羅浮時靚為南海太守

以道術見稱嘗行部入海遇風飢甚取白石煮食之與稚川善常往來山中或語論達旦乃去人見其來門无車馬獨雙燕往還或怪而問之則雙履也壻城集仙錄云靚以女妻葛洪靚後還丹陽卒葬于石子岡後遇蘇峻亂發棺无尸但有大刀而已賊欲取刀聞眾左右有兵馬之聲顧之驚駭中間其刀鞠然有聲若雷震之音泉賊奔走賊平之後收刀別復葬之真誥云靚為地下主者帶着山真云靚親字太玄東海人年五歲隨父母居書是曲陽李求兒九歲墮井死其父母尋訪得李氏推問皆符驗靚學兼內外明天文河洛書後為南海太守嘗行部入海遇風飢甚取白石煮食之以自濟嘗見仙人陰君授道訣百餘歲卒

許邁

許邁字叔玄小名映丹陽句曲人也世為胃族冠冕相承映總角好道潛志幽契真誥云邁避世外故自改名邁遊吳王右軍父子周旋于歲乃修壽三之按許書按六甲陰陽符云邁元年二十三歲則是永康元年庚申歲生也而潛云永和四年秋絕跡於臨安西山年四十八此則元年辛酉為少一年今以自記為正絕迹時年四十九矣要吳郡即縣許秀之孫會從郭璞筮卦遇大壯之大有上六爻發璞謂映曰君元吉自天宜學輕

舉之道初飽觀授以中部之法及三皇內文
一旦辭家往而不返東入臨安懸雷山中散
髮去累改名遠遊服木黃精漸得其益注心
希微日夜元間數年之中密感玄虛太一具
人定錄茅君降授上法遂善於胎息內觀步

斗隱逸每一感通將超越雲漢後移臨安赤
城遇王世龍趙道玄傳太初映因師世龍受
解束反行之道服玉液朝腦精三年之中面
有童顏臨映得道三官都禁遣典柄侯周魴
主非使者嚴白虎出丹簡罪簿各執一通詰

映諸愆如其无答便當執也賴得真初節李
開林相助映甚怖懼強長笑叱訖而答曰大
道無親惟善是與天地無私隨德乃矜是以
版泉流血無遺龍壽之舉三苗丹野涿鹿絳
草豈妨大聖靈化高通上達邪吾七世祖許

子阿者積仁德陰加鳥獸遇凶荒疫癘之
年百遺一口子阿散財拯救自營方藥已死
之命懸於子阿乎得濟者四百八人德馨我
等應得仙者五人皆錄字青宮豈是爾輩可
以豫乎真語云長史七世祖許字子阿有願
惠之功今據譜七世祖名敬字鳴所

後安帝時為光祿順帝永建元年拜司徒名
字與真語不同未詳所以仲英安帝永初二
年大凱斗米二千丈人相食若所故治四百
八人必應在此時也應劭漢官儀載崔寔表
云許敬年且百歲籍居相位如此非惟陰德
流後漢教自陽功著世所以年永身安位至
古稱子則孫相道為三公允言畢會司命君
未過仁矣世不亦遂至神仙言畢會司命君
遣聽依李連授鈴而至魴等笑而走即得度

世東宮為地仙中品映第五弟穆亦同時得
道晉書列傳云許道字叔玄丹陽句容人東
世仕族而道少恬靜不慕仕進時父尚存
未忍道觀謂餘枕鳴雷山近建康之茅山是
洞度西門謂通玉殿於是立精舍於懸壺洲
望時第運取定者而已父母既終乃遣弟孫
氏運東運德遊名山採藥於桐廬鍊之常山
師水涉三年世斷無以此山近人不得專一
四面備之好道之徒欲相見者莫得也常服

許穆字思玄一名誼祖尚父副穆少知名晉
簡文在藩為世表之交起家為太學博士累
遷位散騎常侍護軍長史雖居蟬冕心慕道
德以第四兄連遊嘉遯不返遂表辭榮太宗
不奪其志穆乃宅於茅山與楊羲禰該靈真
天降玉札授為上清真人年七十二解駕道

真語云穆雅情未博學有才章簡文皇
世主人委俗乘之類與時賢多所結少仕
郡主簿功曾史王導舉穆臨川辟從事不赴
道補太學博士出為餘姚令入為尚書郎郎
中正護軍長史給事中散騎常侍外派俗務
而內修真學嘗受教於連行上道從分所得
乃為上清真人晉歷侯伯位偏卿司命仙
治助聖教以孝或太康元年去世年七十
妻同郡陶氏女名科十與梁高祖為於山別
率中七亦入易道中受學

許穆

危謙

世真語云穆雅情未博學有才章簡文皇
世主人委俗乘之類與時賢多所結少仕
郡主簿功曾史王導舉穆臨川辟從事不赴
道補太學博士出為餘姚令入為尚書郎郎
中正護軍長史給事中散騎常侍外派俗務
而內修真學嘗受教於連行上道從分所得
乃為上清真人晉歷侯伯位偏卿司命仙
治助聖教以孝或太康元年去世年七十
妻同郡陶氏女名科十與梁高祖為於山別
率中七亦入易道中受學

立祠真館長史本宅天監十三年立為宗陽
觀今之紫陽觀是也宅南一井即長史所穿
南一塘郭四朝築以壅柳谷曰公泉茅山記
云小茅山北有一山名雷平山山西北有上
清真人許長史宅今為觀觀前有真人靈壇

危謙魏郡人也性縱誕不恥惡衣食好飲酒
不擇精麤常吟曰風從牖中入酒在杯中搖
手捏四十九靈光在上臨魏我羨著下獨向
冥理笑又曰進不登龍門退不求名位無以
消白日常作龜我醉藉於易占常在建康後
巷許新婦店前筮一卦一百錢日限錢五百
止次卦十錢不為也謙母住尚方門外路西
謙日送錢三百供養母餘錢二百謙以飲酒
乞與貧寒晉海西公旦出見赤蛇蟠於御棘

俄爾失蛇詔謀筮卦易林曰晉室有磐石之固陛下有出宮之象海西曰可消伏百謙曰後年應有大將北征失利以三萬人逆之於壽春北此災可消明年秋桓溫北討敗績欲豫州刺史袁真不為後授誅真還鎮石頭廢海西立簡文溫妻產息玄至艱難謙筮曰公第西北六間馬殿壞竟便是男兒聲氣雄烈當震動四海溫賜謙錢三十萬謙云謙用筮錢常患不盡且無容錢處請還公庫溫不聽許氏以空櫃借謙貯錢俄而夫人復送錢三十萬謙從得溫錢後日筮三卦以供養母以溫錢飲酒求能酣客不問識與不識群聚極飲客隨謙者眾許氏常以賢人禮待謙不計求酒之多少謙後斷不復詣許氏訪覓經年忽於譙溝遇謙曰家中欲得櫃用先生幸還家中取去先所寄錢謙笑曰三年所飲數千斗唯四十日纔足相補止餘一百半許有耳大夫不復足顧矣吾以爪刻壁記之寫算便知也許氏試依其算之不差一文後謙母夜亡謙旦還云因緣盡矣安葬而去不知

所之數日許氏家人於落星路邊見謙卧地始謂其醉捉手牽引唯空衣無尸

巨道一曰危謙以孝養母不于名利內修至道外混光塵每筮一卦百錢日限錢五百止多以奉母少以自贍次卦則須千錢

不為非廉而不剝者寧得至此道德經曰名與身孰親身與貨孰多得與亡孰病是故甚愛必大費多藏必厚亡知足不辱知止不殆可以長久危謙誠熟究此道也

歷世真像體道通鑑卷之二十一

歷世真像體道通鑑卷之二十二 漢二

許雲山至壽昌年官道士趙道二錄

杜易

杜易字叔恭吳國錢塘人也年十八歲與時輩戲北郭有父老召易曰此童子有不凡之相惜吾已老不及見之易早孤事後母至孝名聞鄉郡三辟命仕不就歎曰方當人鬼淆亂非正一之氣无以鎮之於是師餘杭陳文子受治為正一弟子救治有效百姓咸附焉從夜中有神人降云我張鎮南也汝應傳吾道法故來相授諸秘要方典陽平治易每入靜燒香能見百姓三五世禍福說之了然章書符水應手即驗遠近道俗歸化如雲十年之內標米戶數萬晉太傅謝安時為吳興太守見黃白光以問易易曰君先世有陰德於物慶流後嗣君當位極人臣尚書令陸納世世臨於而華惠浸淫毒納時年始出三十忽得奏章云令君大危得過接納靈飛散方納服之云年可七十九司馬桓溫北伐問以捷不為曰公明年三月身征當控其鋒溫至枋